



10367

大司成即墨礪齋周先生

集叙

昌黎韓子曰仁義之人其

言藹如是語也聞之矣未

見其人也於以求諸古惟

三月慕館集

叙

一

九十八

顏子足以當之顏子以知

十之資幾庶之始發而為

言固足以經緯二儀旁羅

萬象何所不具而顏子無

是也其在聖門請試彌勇



10367

而常苦仰鑽瞻忽之艱所
見既卓而欲從末繇之嘆
退焉如有所未逮者豈非
若無若虛如愚非助之真
體也哉後世學術有幾於

是者惟漢黃叔度時所推
為顏子而獨隕然其處順
淵乎其似遺言論風旨罕
所傳聞故處右文之際班
張馬鄭之沅辭賦章句蘄

長競華煒燁自表而叔度
悶然其間間出片詞諸子
相顧訾服無能如其上何
也叔度之異於諸子者有
意無意之間也余於是而

有感於吾師即墨周先生
之文也先生天質粹美敦
篤沉睿其搜簡綴文之初
人皆目為任長孫王仲宣
之儔及長博記羣書家故

富縑緗連屋克棟先生寢
處其中披吟晝夜不輟於
是遂無所不窺得第後入
承明著作之庭朝省洪篇
大製率就先生以為粉黼

詞林前後莫不延佇而推
遜之絲是即墨言語文章
遍于天下余雖及門甚久
而於宗廟百官之觀蓋闕
如也先生既沒其文之留

傳大者遠者故以沾溉寓
內而其仲子取笥中所遺
藏於家者間以示余余收
而卒業拊膺嘆曰吾師秦
山梁木之思意在茲乎意

在茲乎蓋思其德而知其
文之必肖今讀其文而益
信其德之無涯也夫先生
之學廣大精微如鄧林杞
梓於材無所不備如武庫

戈戟於用無所不精而又
運以班輸郢匠之巧風胡
熊渠之技安所不窮其瑰
瑋極其犀利者而先生之
意勿寧爾也今觀其所為

諸體雖靡所不有而一發
於性靈大率先生以孝友
之性沉摯之請多與人為
善且鑿鑿悉經濟石畫然
而含蓄雍容坦夷簡曠此

雖精能之至復於平淡抑
亦顏氏之善言德行也夫
昔臨朐馮宗伯每謂余曰
君師之文冲而不盈淡而
甚遠遂為一代貴重之品

余深服其言則韓子所謂
萬如之言舍先生其誰與
歸哉余於是益幸其得為
顏氏之徒而幾不欲復立
文字也

賜進士出身通議大夫禮
部右侍郎兼翰林院侍
讀學士

兩朝實錄副總裁

經筵講官前詹事府詹事

掌府事國子監祭酒司
業門生東蒙公彙頓首
拜撰



周季平先生青藜館集叙

在

神廟己丑南宮得士晁盛爾

時天都許文穆公柄衡放

榜前一夕夢五色雲中須

青藜館集

叙

一

著提數人以阿羅訶下界

覺而說之語副考王忠銘

先生具云所弋必異是以

人倫兇冕則有白下焦弱

侯制義首衰則有吾鄉陶

周望一時履奎簪盞盡在
木天旣中鼠噪乃余座師
南充黃昭素雲間董玄宰
長沙莊冲虛關中馮少墟
而三齋則

周季平先生更提牛耳余
奉先生之教則在南充師
座又時共酒於玄宰齋頭
先生若有深器焉者歆仰
南畿之役先生副周望柄

衡而余以分房侍凡覲舊
給諫郝仲興得張賓王卷
上之先生閱詩大為欣賞
定解矣而余得王聖俞卷
上之先生即以解易王不

忤也程式首篇出先生手
大約謂帝王之道統即其
相傳之學術道統於聖而
聖承天遂開七千君子
光明眼藏表策工麗博瞻

如龍珠眩海鳳繡摩霄刷
工未完寫斷洛陽之紙南
國人士私相語曰此真洋
洋大國之風歟先生賦貌
恂悞便言笑不苟立

朝止有正色不能戚施首
秉循次至國于祭酒天下
望其大拜會師相李文節
公見愠多口攻之百端隨
波及門生竟以此枉揆路

事在黃宮諭傳中余垂老
過嶺南晤哲嗣凌江太守
出遺文微弁余視先生為
師執夙辱知交即弗文弗
辭也魏文帝曰富貴年壽

皆有窮盡惟文章經國大
業不朽盛事而子建亦言
吾道不行采庶官之實錄
彙時俗之得失定仁義之
衷成一家之言雖未能藏

之名山將以傳之同好曹
氏兄弟各有肺腸而其言
文者似皆殊塗合轍近代
文字見館課則謂其繪刻
無神也肥郁無骨也堆沓

可厭也於是山人墨子懷
其酸餽被其結鷄以相標
榜儼若走高清之路自余
視之其為風馬牛不相及
也若先生之文在嚴有體

化裁以法賦準駱盧待根
騷選律在闕元大曆之間
古則太白少陵之際
王言典重不以甘字酬金
洞序芳葩每用他山攻玉

其它說議記解之確鐵畫
不移歲銘誌表之精珠琲
共貫即長書短札爽過蘓
黃哀命指步傷同景宋而
余所心醉者建

本論列鬚戟雄張表節陳
情肝花盡裂則先生大孝
大忠之氣行江河而燦日
月者也至於為友情溪居
鄉德厚推遷城之狂吠擴

新廟之文顏先生蓋大有
氣義大有經濟者使得坐
禮夏而參
密勿必當保泰運以福震
亨慶龍周召何能多讓並

而位不至宰相壽不登耄
期則造物忌才謂其大業
具在矣豈不惜哉余聞之
佛說四果預流先生仁器
切圓乃斯陀舍之二果一

來不再須菩提入夢先生
一人矣是時東阿于穀峰
臨胸馮用韜兩宗伯者皆
當代鉅才至先生而同
朝公鼎足岱秀插天不千

里而齊魯之境青竟未了
帶暎茲集有以夫

賜進士第奉政大夫修正

庶尹奉

勅整飭饒南九江兵備江


青藜館集

叙

十

西按察司僉事通家晚

侍生山陰王思任撰



周季平先生青藜館集目錄

卷之

賦

日重光賦有序

五言古詩

贈周用修

莊誦 宣宗御製翰林院箴有述

君子有所思

代凜凜歲云暮

青藜館集

卷一目錄

一百五

清秋瀛洲亭講業作

和淵明九日閒居

奉詔修省

頽神山中

觀運甓圖有感

七言古詩

送董思白謫楚學憲

送傅湯銘之南都司業兼懷焦漪園

擊劍篇



送羅龍臯給諫被謫

河間孝子歌

春日偕江徒吾孫肖溪遊舍風嶺

五言律

馮宮詹邀同焦漪園夜飲遇雨呈謝四首

薊門早秋

黃平倩病起偕區用孺林咨伯過訪留飲

四首

得區林二丈隣居詩獨恨敝居之遠奉和

青藜館集

卷一日錄

二

一百七十四

自慰

九日飲興德寺池臺二首

贈崔昌平八首

淄川月夜朱海曙邀飲王氏園亭四首

曉發金鄉望光善寺塔東桂徵室二首

遊仙人洞二首

于穀峯老師贈詩四首和韻稱謝

七言律

送許公歸田四首

黃金臺懷古

早發望岱

渡黃河

陳畱詠古

尉氏懷古

過東阿爲于穀峯老師祝壽四首

古洞棲霞

梵剎鐘聲

青藜館集

卷一目錄

三

山亭樵語

溪橋煙柳

遊法海寺二首

黃石宮二首

白雲庵二首

曹南仙桐

題王念野雲耕山房二首

王明吾使遼過里詩以訊之

孟夏陪祝太廟恭述二首

李母慈節

送曾石甫

春日送李百原侍御閱關

送王念夔按楚

送包大瀛還貴州時省疏公爲首云

苦旱

朝之前一日宿孫郤浮給諫宅作

送齋捧御書山東者

送李霖寰遼東開府二首

青藜館集

卷一目錄

四

一百四十六

送喬裕吾給諫二首

題鄭公招隱園

送邢水部迎養之南都二首

五言排律

雨渡膠萊河宿河東壞館夜坐卽事

是夜五鼓復雨達旦不止獨坐卽事

七言排律

皇極門早朝

七言絕句

詠史四首

塞下曲四首

嘆白三首

制草

尚書趙煥

侍郎馮琦

尚書李戴

侍郎李廷機

侍郎趙世卿

青藜館集

卷一目錄

五

尚書田樂

尚書邢玠

尚書蕭大亨

尚書楊一魁

簡討朱國禎

簡討朱延禧

郎中王成德

主事崔應科

巡撫尹應元

巡撫劉易從

布政孫維城

副使荊州俊

知府汪應泰

推官田貢國

推官高折枝

推官胡東漸

知縣李夢熊

知縣張其忠

青藜篋集

卷一目錄

六

九十八個

知縣鄭振先

知縣孫夢桂

知縣周朝重

知縣翁汝進

知縣金勵

知縣周三嘉

知縣任時芳

知縣趙思忠

知縣史紀事

知縣翟 燿

知縣周仲士

知縣晏景卿

知縣張 進

青藜館集

卷一 目錄

七

周季平先生青藜館集

明 卽墨周如砥季平著

門人東蒙公 彙孝與較

賦

日重光賦

有序

館課

昔者聖人繫易象日於離日君象也其在上下
皆離之卦曰重明以麗乎正乃化成天下則出
震繼離之說所從來矣是以周武嗣文謂之重
光而漢明在青宮樂章之名以之德各不同其

青藜館集

卷之一

一

二百五

有見於重明化成之義一也臣伏覩 皇上

聰明天縱光於四方而 皇長子冲睿宣哲夙

負元良之望此豈止燦彩於前星流潤於少海

而已乎固所謂日以麗日運臨炤於無疆明以

生明軼休光于百代者也臣不佞謹稽首頓首

爲賦

賦曰至陽之精是謂耀靈朱輪斯轉黃道攸行浴

虞淵以潔朗出暘谷而曛曛呈蒼涼乎初曙布炎

赫乎方中紛可愛而可畏豈時縮而時盈蓋聞戴

冠抱珥表王者之上瑞又或赤暈玉字昭盛世之
休徵五色亦所時有重光眇其希逢至矣哉人事
動乎天監層輝發乎翔暘烈景宛其相麗采睨合
而成章珠連兮華若木之末璧合兮匪太陰之傍
色陸離乎昆吾影婆娑乎扶桑烏聯翻以接翼驥
方駕而騰驤霞游開以簇錦火益熱其探湯爾乃
中外晶瑩秉承炤爛鬱儀羲和旁窺四盼耀火齊
以金鏡迸流星於飛電摩銅鉦其無聲發輕花而
互艷驪龍之珠競吐鍾山之燭爭艷田夫訝其倍
青藜館集

卷之一

二

三百三十二

暗葵藿感而深戀夸父棄杖以恍惚離朱披雲而
目眩魯戈憚其兩指昇繳拙於雙貫爾乃凝盛魄
之輪困浮皓質之歲幾叠射黃金之榜叢暝赤羽
之旗臨仙掌以駢映繞龍鱗而交輝散幽光於繡
閣開宿陰於彤墀太液之波如沸上林之露其晞
敦覆益而豐蔀比累洽而重熙嗟乎作述顯承是
佑是啓天曰重明人則濟美仰青宮之岐嶷瞻玄
象之伊邇載謳載歌其云有子謨烈煌煌光於遐

紀

五言古詩

莊誦 宣宗御製翰林院箴有述

館誦

我聞古明良交警流徽音臣規而主勅高風益所
欽王路嗟陵夷此道幾陸沉亡從鏡袞闕遑復及
官箴我明啓曆祚

章聖揚芬馨爰及輔導義

譬彼礪與金厥職一以曠天工孰與任奎文揭清
署臣鵠見皇心言言垂藥石字字披球琳想知地
天泰皎如日月臨飛白誰謂榮蓮炬誰謂琛大哉
此王言睿旨淵以深睠茲經術士蟬蛸出以陰願

青藜館集

卷之一

三

二百九七

言相勉旃名實鑄鼎鬻永與聖人謨千年重禁林

觀運甃圖有感館課

青山入官舍蒼藹護庭除當軒伊何人運甃良勤
渠五馬渡江水百年成丘墟言廻西流光生色落
炤餘世人久疎曠浮雲自卷舒未能躡高步對此
空躊躇

周用修謁其父太霞先生祠于真陽浚河遊

塞下意倦圖歸迂道訪余太霞終襄王紀善

獲交李王諸名家用修肖焉又曾有讓田事

爲士林所推余以雅慕且值歲杪爲賦此留
之

六合寄萍梗一投澹膠漆傾蓋白日暮解佩西風
急青燈笑著化金卮媚生色意氣何慷慨世路良
偏側龜陰君自薄卞璞誰能識行矣南辭楚駕言
北遊息

息邑名卽真陽

茸棠多遺愛廟貌崇明德俎豆詎

有涯文章故無敵曳裾失應劉餘波蕩藉湜片言
已不朽千秋况血食東郡罷趨省蓼莪生感泣邑
人去見思遊子情何極遊說百不成還家復相歷

青藜館集

卷之一

四

三百全三

嵩少拭目存河洛沾襟濕死者如何起隸也實不
力語發淚隨零聽之不能畢嗟余久伏枕聞君忽
倒舄愛人及屋烏覩毛見池翻夙欽紀善名早入
濟南室有子不落莫有交爲斥責霜重草帶丹月
冷松籠碧歲晚應須留人生盡爲客且浮綠醕春
共醉紅爐夕郭外田單壘海上秦皇石明發請從
游逍遙話千畝

君子有所思

吳峯高參差漢水橫長渡有懷同心人高歌向岩

戶蘭蕙發幽甍秀色含霜露雙飛未可憑至精誰
從悟流光自往萸美人嘆遲暮聚散悲浮雲翩翾
感庭樹曉望在崖間蒼茫起烟霧

代凜凜歲云暮

滄海爲桑田桑田復白波相思動經歲人生知幾
何憶從蹇修來蘭麝飛衣羅良人重遠遊光景成
蹉跎豈無青鳥翼當天懸明河含情幽窓下竟夕
理寒梭疎櫺回皎月清影搖婆娑綠綺未敢彈悲
聲傷我和徘徊向曉鏡掩淚憐修蛾

青藜館集

卷之一

五

二百九

和淵明九日閒居

玉露楓林晚蒼翠相離披黃花吐冷艷報我重陽
時避世憐金馬耽幽托東籬天清鴈聲遠人靜松
陰移煙容澹孤岫霜鏡澄秋池曲江何寥落龍沙
紛旌旗山萸寒委佩落英咲空卮獨懷千古意細
和淵明詩蕭然短亭上杳如同風期

清秋瀛洲亭講業作

瀛洲秋色滿白露生芸蓀蕭蕭此亭上幽意獨難
論大雅久不作吾道嗟陸沉池水遠天淨悠悠見

我心霜林起寒鳥井梧搖疎陰鳧魚自造化鄒魯
空荆榛卓彼河汾子登壇稱素臣高踪躡百代餘
輝耀千春如何濟南生九十誦古文石渠連漢苑
日星隱浮雲感此重歎息矯首瞻秋旻昏衢有華
燭大道無迷津前綬如可企泗上揚清芬

奉詔修省

靈雨何愆期民瘼嗟孔棘九步揚飛沙隴麥無青
色懸磬徧窮簷推溝動宸極靡愛太乙牲總減尚
方食六事桑林情一懷三嘆息朝曦上龍樓雲漢

青藜館集

卷之一

六

三百五

相悠悠詔書中禁出丹陛羅公侯聖情重股肱嗟
然念交修未解挽天意何以答皇休蔽袞自無關
臣職多愆尤齋居向幽窓窓影搖廻光對此意耿
耿言念增徬徨涓涖亦何補濡鵜隨鷓行疇能將
寸誠格此萬里蒼半天落餘炤低回羞夕陽中霄
望星河縱橫合晴波深潭龍不出西郊雲空多古
人亦有言人事生天和商霖看只尺大地霑滂沱
堯憂一日釋有年騰謳歌

滎澤雨坐卽事用壁間韻

去住自非我，遑暇問征路。朝日澹霽色，四牡鳴烟霧。悠悠倦客心，愛此雨中樹。題壁者誰子，相對恣傾吐。我聞桑下宿，淹速亦云數。斯時與斯景，誰令兩相赴。簷溜浙瀝聞，芥舟縱橫渡。忽報新晴開，飄然遺所顧。

顏神山中

山裂人踪入，崖懸箭括通。經由是何代，剖判自神功。曲作黃河折，難應蜀道同。鳥飛霄漢外，客列幃屏中。但恐前途雨，全廻兩竿風。蔽虧先得夕，起伏青藜館。集

卷之一

七

三百八十一

欲成虹樹杪，輪蹄出巖腰。永黍豐驅車，時轉測夾路。總隴崑崙並，峙雙丹嶽孤。窺一碧空峒，嶮疑虎穴。浪濕俯龍宮，谷口明方漏。關門勢轉雄，信憑一夫力。天險爲齊東。

七言古詩

送董玄宰謫楚學憲

漢家才雋何紛紛，簪筆侍從如烟雲。禁闈頗饒中視草，外藩不惜出衡文。去年延壽歸天水，子淵十載猶旃毳。三策從來羨董生，只今又趣江都轡。升

沉那不沐皇靈可憐白壁飛青蠅金馬門前幾人
在相看落落如晨星迢迢漢水碧縈廻雲夢瀟湘
秀色開先生別有煙霞意長揖青宮歸去來都門
白酒爲君沽君抱蕭然水在壺欲煩更出橐中穎
勒作春明送別圖

送傅湯銘之南都司業兼懷焦漪園

鷄鳴桃李多新栽二月東風吹未開由來霖雨君
家事寧辭暫與濯枝來兩都相望烟雲繞干旄高
映蓬萊曉文章八斗珠璣驍功名三十臯比早秣
膏藜館集

卷之一

八

三百五

陵王氣日葱葱詞人六代爭豪雄可能滿酌泮池
水傾觚喚起鍾山翁驅車明日太行西垂楊夾路
聞鶯啼片帆細雨秋江上芙蓉倒水沿金隄同心
昔友今巖居卷藏大道迥空虛相逢儻訊余何狀
問字無從但嘆吁

擊劍篇

我有歐冶劍昔磨若水溪十年未曾試出匣風淒
淒鐵英金穎何奇特綠龜文繞青蛇色寶鏗直冲
牛斗塞神光迥與秋霜逼長安擊劍多俠斜相看

瑞氣生明霞萬道虹霓忽舒卷繽紛亂落芙蓉花
還如颯沓奔流星晴空隱隱來風霆荆玉驪珠自
掩映晦冥上下迷蒼青鼓棗當年亦自勞勾踐日
動荆卿迹何當抵掌向伊吾斷蛟瀚海澄波濤盛
世出來重于羽蕭曹帶劍揖明主我亦于中悟草
書不羨區區渾脫舞

送羅龍臯給諫被謫

把酒欷歔與君別十載交情兩行血日隱蒼穹氛
襪多雲迷青瑣封章歇由來平地伏含沙鬼物偏

青藜館集

卷之一

九

三百三

瞰高明家君心皎皎霜空月肯因圓缺生浴嗟憶
昔中秘稱同舍笑談珠玉相傾瀉接席梁園授簡
時聯牀禁雨燃藜夜此去磯山翠色秋回頭應復
見瀛洲試訂後期杳無日長河帆影空悠悠河岸
參差多綠楊一枝相贈轉心傷猶憶去年春苑裏
幾因折柳諫君王

河間孝子歌

淖泚流水碧如黛潺湲環抱玉城外元氣鴻濛日
夜浮太古渾灝依稀在歷山人去幾千霜終身之

慕何渺茫卓彼八十廬墓者眞令重華生耿光八
十飄瀟嗟白首上有高堂九十九不辭齡背舞斑
衣笑展龐眉進春酒雲輶一夕駕秋山相送雙淚
紛流漣誅茅寧避荆棘底托身願在椿萱前昔爲
椿兮髮正青瘠毀酷似衰翁形今爲萱兮鬢已
衰衰却作嬰兒哭嬰兒哭慕何時歇墳成十指淋
漓血乳兔宵號原野烟孤鶴曉唳松楸月煙月綿
綿幾歲年一苦寒與水霜堅心逐魚燈炤玄室夢
隨鶴馭飛遙天天帝聞之亟幽討和風敕共祥雲

青藜館集

卷之一

十

三百三九

統三百周詩失蓼莪二千漢代重芝草君不見少
壯燭武不如人老向汜南還退秦嗟公底事沉淪
从突兀空餘孝子身龍章赫赫表高門始信孝子
是忠臣吁嗟乎始信孝子是忠臣

春日偕江隄吾孫肖溪遊含風嶺

憶昔卜築山之阿山青雲白相嵯峨無端橐筆隨
鸞坡曉猿夜鶴奈人何東風吹綠春堤柳遙指春
山停四牡高陽社畔邀故人杏花村前載尊酒村
煙盡處山色明千巖萬嶂色逢迎路石時作神羊

起風枝益學仙鸞鳴衆峯俄從四面集一踪纔可
單車入犬吠鷄鳴異人世荆扉茅屋懸天際天際
煙霧紛橫斜仰躡虎豹穿龍蛇蒙茸芳草盈平沙
欲步每惜青青芽一派寒泉落高岸奔向橋頭忽
不見沉波伏流二百步門邊突吐清如練造化妙
理誰能窮幽人勝地嗟難逢三杯咲傲白雲中卽
此便是蓬萊宮蓬萊宮裏神仙宅舍風嶺外紅塵
隔始信洞天別有天不知身世誰爲客漁人好泛
武陵舟落花不惜隨東流當年奕跡垂千秋斧柯

青藜館集

卷之一

十一

三百四十二

已爛山東頭屋前屋後閒雲繞道士相看懶不掃
高徑微茫杳若蝸在客攀緣疾于鳥返炤未收皓
月來輝光是耀金銀臺江淹賦罷呼金壘酣歌數
闕眠蒼苔一任筆花夢裏開五斗相將尋野梅孫
登長嘯動山河盈杯肯酒丹顏醜螟蛉螺贏足呵
呵寧辭罵坐嬰禍羅君不見朝來白髮映明鏡水
萍風絮那能定碧山銀魚我欲焚青樽綠蟻君堪
共雲滿巖巒風滿林勸君切莫動歸心試卜重遊
知何日回首澗樹生層陰

五言律

馮宮詹邀同焦漪園夜飲黑雨呈謝四首

杯酒論文日相看青眼開塵揮飛玉屑花落點金壘殘暑隨風盡新涼逐雨來共憐陶謝手秋賦行重裁

其二

風雨青尊夕梧桐白露秋宴開金馬王

卽用掌院事

客

有老龍頭炬作蓮花吐杯看竹葉浮高談渾不盡良夜自悠悠

青藜館集

卷之一

十一

二百五

其三

衰時及詞客惜夜且芳醴海水東流黑胡天北望青鐘分長樂殿人醉草玄亭不是宵來雨還應見德星

其四

總對文章伯其如樸櫟才談天碣石近擊筑酒人猜紫燕穿雲出朱華冒雨開由來爲幽興欲去重徘徊

山行擬訪周苕浦不果已而過其先中憲廉

憲二公所建塔廟讀遺碑及苻浦所撰新
碑有感却寄二首

憶戴翻中輟迹禪又此經古碑分蘚綠高塔亂松
青文采徵家世功施及杳冥踟躕回望處寒色滿
郊垌

其二

豐石峨雙峙居然見古今青鐫猶在眼白髮漫傷
心倦馬嘶盤逕寒鴉集暝林蘇門無客嘯歸去獨
行吟

青藜館集

卷之一

十三

二百一

喜張懷海山人造訪瓦庄四首山人故諸生
精地理卜算之術

一別餘十載重逢已二毛風雲思欲盡湖海興猶
豪囊括青山色談飛大海濤却羞曼倩冷不敢問
綈袍

其二

證禪新茹素投筆罷題橋指點千峰近遨遊萬國
遙世誰容羨落君自托鷓鴣握手平郊外春風綠

夾麥苗

其三

有意從詹尹逢君喜氣饒
幾憐秦地脉曾枉漢官
鑣天意存龜策人生但
鹿蕉請推何代客犯斗
上青霄

其四

葱鬱瞻佳氣徘徊向遠臯
買山錢未辦問卜意空
勞術羨年來驗名知老去
高相看人世外短髮任
蕭騷

薊門早秋

青藜館集

卷之一

十四

三百全

涼氣薊門早蕭條忽已秋
遙天鴻欲度落日火初
流野曠悲清角煙寒冪
戍樓風霜自臣節肯爲
歎淹留

黃平倩病起偕區用孺林
咨伯過訪留飲四
首時食蜀魚

金莖露欲滿蜀客渴初除
知己同幽思聯鑣問索
居星河庭樹杪意氣酒
盃餘刻燭新篇在誰當
步
子虛

其二

小苑涼先得清談夜未央
經旬憐寂寞把袂已飛揚
暗響風傳漏斜暉月度牆
偏宜銀漢近千頃共汪洋

其三

入牖芸香細開樽竹葉新
寧須投轄欸轉爲閉關
親妙辨聞非馬嘉餐出素鱗
寒螢秋草裏似我和歌頰

其四

貫酒恰燕市論文况北扉
月看三峽近魚帶錦江
青藜館集

卷之一

十五

三百一十

肥夜色開軒霽秋聲出樹微
從來愁肺病飲此忽忘歸

得區林二丈隣居詩獨恨
敝居之遠奉和自慰

卜居燕市裏頗亦遠風塵
綠樹聞黃鳥金盤俯錦鱗
草玄寧寂寞辟世故沉淪
二妙如相憶天涯是比隣

九日飲興德寺池臺二首

古寺青林外平臺綠水涯
寒塘雙鳥影曲岸幾人

家奠酒芳樽媚檀陰綺席斜君恩偏侍從特許醉
黃花

其二

水色侵衣上花香繞座聞帝城連遠浦賓鴈入寒
雲樹杪千山迴池邊衆壑分夕煙天關北回望正
氤氳

崔昌平公精醫善詩膠東之世族也謝政東

歸復道京叙別因感舊雅得詩四首贈焉

偏愛沉冥趣聊同汗漫遊越壇原結雉齊海暫辭

青藜館集

卷之一

十六

二百二十八

陽道大回春易心閑覓句幽故山猿鶴侶莫謾夢
相求

其二

簪笏辭頽景刀圭駐晚顏看方臨上帝棟藥識名
山鶴逸傳清響龍來問大還壺天何處是薇色蔭

松關

其三

循吏西京傳文才稷下譽蒼穹知赤念黃帝托丹
書芳草條風裏韶華正月餘燕臺回首處鬱鬱海

邊間

其四

淵源分綠字出處近丹青下場南州重看山西野
遙分曹惟上宰傾蓋半清朝香雨蘇門夜神功可
共標

淄川月夜朱海曙邀飲王氏園亭四首

淄水停驂日名園載酒過池風清石几松月下烟
蘿入座星河動親人魚鳥多同袍今地主無問夜
如何

青藜館集

卷之一

十七

其二

勝地逢良夜青尊發浩歌雨餘花氣重雲盡月明
多芳徑斜隨燭征衣翠染蘿相看饒意氣林樹轉
婆娑

其三

座有河陽主花如上苑濃松長堪宿鶴槐老欲成
龍入洞探玄髓登臺數近峰境佳人自醉况復對
歌鍾

其四

地僻囂全絕林深暑盡消覆荷低翠簾疎竹淡青
霄樂奏池魚上詩成月鵲遙勝遊應自惜門外有
征輶

曉發金鄉望光善寺塔東桂微室

西園浮屠近前朝苔蘚多瑤鑄深篆鳥峭級迴旋
螺秀色窺虛牖清香送曼陀却思談笑夜客路欲
蹉跎

遊仙人洞二首

小洞石門入懸崖丹磴開羊鬚應恍惚蝸路幾縈
青藜館集

卷之一

十八

三百四十一

廻穴盡天光出風高爽氣來悠然俯人世卽此是
蓬萊

其二

陶唐是何代營窟向津涯蘿薜山門古莓苔石徑
斜晦暝迷日月迂曲入烟霞可知九天上別自有
人家

于穀峯老師贈詩四章和韻稱謝

聖入平津邸游從濟北城薇垣瞻氣色茆屋識平
生款作家人語親看國士情別來無可道時復頌

明明

其二

岩扉春寂寞窓竹日平安雲護東山榻溪橫渭水
竿雜花迎砌上疎雨對燈看移席驚棲鳥羣飛正
劇乾

其三

燕見頻開徑龍門幾御車送迎優禮數問對雜樵
漁夜色傳清柝春官醉敞居天開潁水上爲炤紫
泥書

青藜館集

卷之一

十九

二百零四

其四

若渴情應切如醇味自投驅車千里暮揮塵萬山
秋醉愛臨風坐驪成秉燭遊談天當夜事回首笑
三鄒

七言律

送許相公歸田四首

黃扉紫綬戀新恩白石清江問故林虛席自知明
主意懸車誰識老臣心五湖煙月鳴夷返綠野池
亭裴相臨莫怪西風叢菊淚滿前桃李總陰陰

其二

驅馬春明落炤餘十年帷幄亦勤渠鏡中白髮知
憂國江上青山苦問居曉日共期鳴彩鳳秋風不
爲憶鱸魚調元手著潛夫論已把成功付太虛

其三

欣聞元首咏康哉底事文昌逐斗廻恩重燕雲生
劔舄江空吳月滿樓臺賜金都散填門客加料猶
隣濟世才天下安危關出處已虛上相待重來

其四

青藜館集

卷之一

二十

三百六十七

太白星前識去旌麒麟高閣自鴻名輿車得載辭
金殿朝請常通軫睿情五夜天顏依夢遠六朝山
色逼人明晚年更號泉爲穎豈欲巢由少保城

黃金臺懷古

燕王臺上雨初晴滄海微茫悵獨撐千里雄風生
駿骨百年王氣枕龍城黃金夜色星辰動碣石春
烟草樹平最是臯夔羅聖代由來樂郭亦虛名

早登望岱

曙色初迴日觀峰關門猶未動晨鐘松濤十里來

秦樹雲蓋孤飛是漢封誰向翠微看繫馬我從天
矯見蟠龍無端長路縈征客虛負名山一度逢

渡黃河

中流無浪午風徐薄雪輕花俯檻餘隔渚戎戎迷
岸馬有時歷歷上河魚浩波九折開周宅故道千
年復禹墟盛世誰當蒼水使歸來擬奏史遷書

陳留詠古

城郭蕭條帶夕曛議郎風雅似猶聞孤貞舊識羔
羊節三體遙傳蝌蚪文絕代才名凌白日嗟炎幽
意薄高雲憑誰判斷千秋事長夜金商路不分

青藜館集

卷之一

二十一

三百五十五

尉氏懷古

晉代風流阮步兵人傳麩蘖是生平自緣疎放還
真趣轉向醅醕見獨醒荆棘銅駝隨雨暗竹林野
鶴向人鳴謾將當日窮塗哭認作猖狂醉裏聲

過東阿爲于穀峯老師祝壽四首

岱宗采翠倚天開倒景參差炤酒杯雲隔北扉看
五色星當南極見三台松篁自逐丹崖秀桃李元
從上苑栽聞道商家求舊德未應泉石老伊萊

其二

歸來清興復如何環堵蕭然帶薜蘿
曳石開雲晴澹蕩金華宮樹雨婆娑
九天夜降麒麟種二月時聽鴻鵠歌
四牡謾勞催去路脚衣正不厭蹉跎

其三

碧山迢遞接丹丘夏木陰陰路轉幽
興到欲酣千日酒雲開恍見五城樓
門牆側望逢青眼閭闔重看是黑頭
眷注當年何限意加餐勉爲答宸旒

其四

青藜館集

卷之一

二十一

二百五十六

金莖玉露漢宮春雲臥天書帝寵新
滄海月明鷗盡下瑤堦客到鶴雙馴
丹心戀闕常千里綠鬢懸車祇四句
不是風塵能信宿登堂更比及門親
題趙相國靈洞山房

右洞棲霞

洞門誰鑿玉嵯峨遠洞烟霞鎖寂寥
向夕故明丹竈火隔林遙見赤城標
天邊孤鷺秋相送江上詩情晚更饒
舊德由來餐不盡都成五色護清朝

梵刹鐘聲

寺隱高峰片月斜
疎鍾不礙翠微賒
傳來澗水欺飛瀑
散入松風驚定鴉
清夢乍疑長樂曉
白蓮知近遠
公家故山精舍元爲主
題詠無勞護碧紗

山亭樵語

亭結崔嵬樵逕旁
樵來問答總相忘
穿雲日許尋瑤草
叩榻時容憇夕陽
一局未殘柯已爛
千羊欲起石猶僵
初平兄弟休全踏
欲采荔茱獻聖皇

溪橋煙柳

楊柳和煙綠未齊
行人初踏杏花泥
千條萬縷垂

青藜館集

卷之一

二十三

二百五十三

垂合弱靄輕陰處處迷
冰洋遊魚渾欲躍
樹深黃鳥但聞啼
畫橋似爲憐春色
時度東風到水西

遊法海寺二首

雲盡寒山石竇開
西風古寺一徘徊
樹當十月猶青色
碑載前朝總綠苔
護法似聞天犬吠

山名天狗聽

經曾有夜龍來須知勝地宜
盃酒未許斜陽促客

回

其二

幽巖欲盡見浮圖
峭級穿雲百尺孤
四面山風團

翠靄千年花雨暗平蕪人尋鳥道迷南北篆雜蝸
文半有無欲問慈航何處是斜陽古木一啼鳥

黃石宮二首

黃石遺踪海畔留一宮深鎖亂山秋松風時送波

濤出泉竅疑通河漢流

泉名天液

濟北天空烟漠漠圮

橋雲斷水悠悠慙慙獨向高峯覓應有書在上

頭

其二

石徑蕭條栗葉黃我來懷古倍心傷世人猶自傳

青藜館集

卷之一

二十四

二百五十六

雲鳥海上于今正虎狼白日蒼茫迷細柳丹梯彷彿見扶桑登臨轉覺添愁思辭把寒花嗅野香

時有

朝鮮之役

白雲庵二首

嶙峋千澗野雲賒乘興遙遙訪道家門外清泉滋

碧草甌中白石變丹砂平臺客上凌寒露斜日人

歸帶落霞最喜諸真頻見戀洞天幾度飯胡麻

其二

翠栢丹楓相映新清波白石故粼粼羽人總解談

黃老塵世誰知是漢秦樵語每從天外落仙丹自
許鼎中眞流連歲杪渾忘返氣候時時似暮春

曹南仙桐曹南寺故有二桐大各數圍其一

忽枯死寺僧因而伐之獨其根存焉六年

矣一日有藍縷道人醉臥其上夜半歌曰

我來枯樹活我去人不識

云

比明失道

人所在越六日有芽發枯根間大如其根
又半月大如其一之存者二桐宛然如故

莫訝神仙頃刻花請從枒拙看靈芽棲鸞幹就春

青藜館集

卷之一

二十五

三百零五

應妬騎鶴人歸月未斜翠葉至今餘紫氣紅塵無
路覓丹砂何時問訣曹南寺藉取清陰老歲華

題王念野雲耕山房

年來霖雨徧中州底事閒雲尚隴頭三徑倒懸桑
柘影一廬深鎖薜蘿秋澹煙故自環龍窟佳氣遙
應接鳳樓却憶嵩高回首處金門青瑣壘悠悠

其二

結屋高從霄漢間綠疇時共白雲閒鷓鴣幾見生
新色猿鶴依然滿舊山簷榻繁花春窈窕護田流

水夜潑潑我來欲問讀書處石磴青苔未可攀
王明吾使遼過里詩以訊之

聞道槎回遼海頭匡牀懷思日悠悠故園英蕩涵
佳氣絕域皇華試壯遊宣詔幾人扶杖聽磨崖到
處乞詩留經行豈有安邊策女直將無意外憂

孟夏陪祀太廟恭述二首時 上人在靜攝
天仗一出羣情忤舞

闕宮袷褙警清鑾簪綬叨陪侍從班九奏自天傳
鳳吹重華此日識龍顏朱櫻細帶宮雲出碧草紛

青藜館集

卷之一

二十六

二百九十三

承御輦還宗祏萬年靈貺在敢期聖壽比南山

其二

慈闈會扈祝彤宮清廟還瞻法駕同孝德千秋光
俎豆歡呼一日蒲臣工明禋自合神人悅臨御須
知朝講通從此萬靈綿萬曆願歌天保罄丹衷

李母慈節

庭前春雨秀瓊枝却憶蕭蕭徙舍時五夜淚從機
杼盡半生心許栢舟知鸞書日月明貞潔象服山
河羨委蛇翻笑下宮雙義士當時猶自屬須臾

送曾石甫

朝陳封事暮歸田
菽水君恩亦自駢
共羨龍鱗嬰赫怒
何須豸服炤春筵
孤忠移孝庭闈喜
令子直臣制詔賢
卽此便勝三釜養
從來曾氏大名傳

春日送李百原侍御閱關

可信煙消淥水干
雄關遙控簡霜寒
蒼精都變貔貅色
鐵騎爭迎解豸冠
風靜玉門猶鎖鑰
時清天步轉艱難
只今枉下饒封事
不比邊庭羽檄看

送王念夔按楚

青藜館集

卷之一

二十七

三百零二

楚雲如蓋擁旌旄
萬里遙澄漲海濤
霜簡有時生夜色
牙籌無奈到秋毫
漸看鷺羽清風遠
幾觸龍鱗絳闕高
采俗未應嫌楚怨
民謠處處似離騷

送包大瀛還貴州時省疏公爲首云

豈向飄蓬嘆一宮
丹心白日炤長安
公車有牘操牛耳
方士無成覓馬肝
青瑣人歸宮樹老
炎荒書寄隴梅酸
離筵半屬金門舊
時事誰從珥筆看

文安姜蒲翁中丞余弟叔音座師也中丞撫

楚值余弟令襄乃茲相繼二年俱作異物

矣中丞訃來余南向望哭之乃余之泫然
則又不獨爲中丞也

逍遙劔履香難馮咫尺門牆俱哭聲遺草徵求歸
太史諫章傳誦滿燕城千秋勁節烏臺色一日深
恩鴈序情最恨年來峴山上雙看墮淚石崢嶸

苦旱

底事肥蠶苦見侵漫勞露禱集桑林遙遙莫挽天
河水處處空聞雲漢吟陌上游氛渾欲火人間滴
雨貴于金憑誰借得函牛鼎烹却弘羊答帝心

青藜館集

卷之一

二十八

二百九上

朝之前一日宿孫却浮給諫宅作

清淡誰如侍從家牆陰春雪積瑤華一封未上憂
時疏七碗纔餘供客茶簾護餘寒春尚淺鐙銷殘
局月初斜條風無奈三珠樹香滿閑庭懶看花

送齋捧御書山東者

聖人自擬周三禮詞客親將漢十行東國山河皆
近甸中天日月正重光炬花夜就金蠶草行李朝
銜御墨香宣罷詔書還問俗從來齊魯富文章

送李霖寰遼東開府二首

油幢六月欲飛霜赤鉞干雲白日黃胡火尚猶明
大漠秦城元自過遼陽談邊遙憶新封事較武親
臨古戰場相送慇懃歌吉甫好將文武佐宣王

其二

度遼元禮出延秋璀璨金章炤鳳樓石室半藏司
馬法官衣先拜紫貂裘遙天壁壘寒生色絕漢雲
烟澹不流却羨筆花連劍氣磨崖應徧首山頭

送喬裕吾給諫二首

朝陽鳴徹五雲橫折翮翻飛下紫清疏草通宵干

青藜館集

卷之一

二十九

二百九十一

御氣梅花是處遶王程黃河日落風波惡青瑣門
閒夜月明戀闕知君無限意遙天回首可勝情

其二

未論宣室更溫綸便是淮陽亦主恩已向玉階羞
仗馬忍從滄海嘆窮鱗寒烟積草迷丹地深夜明
珠炤紫宸却恨夕陽山下路瞻烏無定雪飛頻

題鄭公招隱園

君家谷口舊風流招隱當年託倦遊暗水自纏花
徑曲閒雲深護竹窓幽詩成倡和聞黃鳥機盡倘

祥對白鷗幾欲相從便歸去一瓢同醉海天秋

送邢水部迎養之南都二首

冠蓋都門爛曉霞司空六傳出京華共看綵服霑
天寵遙指金陵是帝家淮口晴烟迷古渡鍾山寒
色到官衙閒中得句堪相憶不盡歸鴻易水涯

其二

笑咏南垓向石頭行旌雙拂帝京秋千林黃葉隨
人遠六代青山入望悠官冷歲時頻臥閣興來江
海獨登樓須知漢主憐詞賦渴客無勞嘆倦遊

青藜館集

卷之一

三十

三百

五言排律

雨渡膠萊河宿河東壞館夜坐卽事

倦客厭遠涉暑雨何多情嶺外片雲黑河上孤舟
橫狂霖連暗浪暝色迷前旌那見天水際但聞風
濤聲官舍臨路隅撐柱空檐楹板輿歛側入皆水
參差平羣飛尚石鷺益坐愁黃鸞鄉隣盡白眼吏
胥如散星呼童貰綠醕就炊熟青精野店有桂玉
春盤無水晶燈前四壁寂雨後雙樹清水氣從西
來銀漢欲東傾良夜不能寐坐對寒風生

是夜五鼓復雨達旦不止獨坐卽事

旅程不可計明發氣候殊金蛇爍窓牖鐵騎排空
虛石枕清有聲匡牀忽若濡起視何晦冥獨坐良
踟躕西牆掛河流木杪浮菹茹穀洛鬪咫尺神靈
意何如商羊鳴前庭車馬灑長衢驚見竈有蛙追
嗟食無魚芹心憐田野苴粥嗟蕪蔓慙勤更壺觴
擎跪稱鄉墟瀟瀟對阿誰渺渺翻愁予殘杯雜屋
溜敗輿當泥塗行吟皇華章未敢言馳驅

七言排律

皇極門早朝

青藜館集

卷之一

三十一

三百四

長樂疎鍾曙色分禁城佳氣鬱氤氳雙魚曉向銅
龍啓五鳳晴連赤羽曛露重宮花千樹潤風清仙
樂九霄聞鳴珂白映螭頭月寶扇光搖雉尾雲煙
傍袞衣常縹緲草承委佩欲繽紛蓬萊半落星河
影閭闔歡均燕雀羣就日聖顏看咫尺臨軒天語
聽慇懃呼嵩自罄南山意拱極還瞻北斗文幾處
謳吟爭擊壤一時歌賦盡橫汾侍臣朝罷渾無事

虎觀芸香散夕曛

